

蓮江慎修先生放生殺生現報錄
合編
蓮池大師戒殺放生文

黃山谷云、我肉衆生肉、名殊體不殊、原同一種性、祇是別形軀、苦惱從他受、肥甘爲我需、莫教閻老斷、自揣應何如。願雲禪師偈云、千百年來碗底羹、怨深如海恨難平、欲知世上刀兵劫、但聽屠門半夜聲。慈受禪師云、飲食於人、日月長、精粗隨分塞飢倉、下喉三寸成何物、不用將心細校量。世間養人之物、不勝其多、如法烹調、味都甘美、何得爲我口腹、殺彼生命、致令生生世世、互相殺戮、了無已時、可不哀哉。故流布此書、冀挽殺劫、願見聞者、咸皆信受。幸甚。

功德芳名

王慈生居士 洋三百元

真達師 趙雲韶居士各一千本
姬覺彌居士 寶存我居士

郭鎮東居士 各五百本
陳慧觀居士

普為流通諸君及見聞受持展轉流通者同向偈曰

近世之殺劫振古所未有推究其根源實由於餓口

特流布此書欲藉以挽救普願見聞者戒肉戒茹蔬

茹蔬甚衛生且不傷物命庶我仁慈心上繼乎往聖

殺業既不結世道自太平只此救物法永利於羣萌

回諸君功德往生佛淨土見佛證無生作六道怙恃

民國十八年歲次己巳元月釋印光謹頌

江慎修先生放生殺生現報錄
蓮池大師戒殺放生文合編

中華民國十八年五月再版一萬冊

鑒定者 印光法師

校對者 邵慧圓

印刷者 上海漕河涇
江蘇第二監獄

藏版處

上海漕河涇江蘇第二監獄第三科
上海狄思威路寶安路永興里底李宅
上海英租界北成裕路陳家浜太平寺
上海法租界西愛威坊路三八六號黃宅

江慎修先生放生殺生現報錄序

江慎修先生者。乃前清一代之經學大家。婺源明道潛修之隱君子也。博學多聞。無書不讀。而且一一悉探其精微。入其閫奧。唯以教育英才爲樂。不以富貴利達爲事。當六歲時。甫受庭訓。日記數千言。父命其敏。以十三經註疏誦授之。先生自是精心研究數十年。舉凡經史百家天文地理音韻翻切之學。無不融會貫通。遂以著述發明義蘊爲己任。所著近二十種。幾二百卷。當時國家及名人著述。多皆取爲依據。至乾隆三十七年。先生沒已十一年。國家開四庫全書館。凡先生所著。悉皆采入。共一十三種。一百五十餘卷。其餘數種未入者。或撮取綱要于他書中。或其稿甚多。彼此借觀。致令遺佚而不得也。噫。先生可謂學究天人。功參造化。窮理盡性。優入聖域之人傑焉。殆漢康鄭成宋周濂溪邵康節之流歟。世之博學多聞。不講躬行實踐。唯以詞章進取爲事者。聞先生之風。能不愧死。而且愛惜物命。深信因果。故於放生殺生。善報殺生食肉惡報。隨所見聞。錄以勸世。其裔孫易園居士。擬欲鑄板廣布。冀挽救殺

劫。囑光作序。光心如背鏡。學等面牆。唯學愚夫愚婦之老實念佛。何能發揮道妙。令拘墟者徹見天日。因茲以生正信而獲實益耶。然以事關劫運。義不容辭。勉爲序白。天地之大德曰生。如來之大道唯慈。人物雖異。心性是同。舉凡三乘六凡。如來視之。皆如一子。何以故。以其皆具佛性。皆堪成佛故。三乘且置。六凡則天人阿修羅畜生鬼地獄。雖則高下懸殊。苦樂迥異。總皆未斷惑業。未出生死。天福若盡。即便下降。獄罪若滅。仍復上升。猶如車輪互爲高下。我今幸得人身。理宜委曲設法。護惜物命。體天地好生之德。全吾心惻隱之仁。良以諸物與我同生于天地之間。同受天地之化育。而且同知貪生。同知畏死。仁人于枯骨。尙且掩而埋之。于草木尙且方長不折。何忍爲悅我口腹。令水陸諸物。受刀砧烹煑之苦哉。須知此等諸物。從無始來。亦曾高居尊位。威權赫奕。不知借威權以培德。反致仗威權以造業。竟使惡業叢集。墮于異類。口不能言。心無智慮。身無技術。以罹此難。雖弱肉強食。于事則得。而怨恨所結。能無生生世世圖報此怨乎。人縱不念諸物被殺之苦。獨不懼怨業深結。常被彼殺乎。

又不懼殘害天物。天將奪吾福壽乎。人唯欲眷屬團聚。壽命延長。身心安樂。諸緣如意。正應發大悲心。行放生業。使天地鬼神。悉皆愍我愛物之誠。則向之所欲。當可即得。若仗我有錢財。我有智力。設種種法。掩取諸物。以取悅我口腹。不計彼之痛苦。尙得謂與天地並立爲三之人矣乎。然我與彼等。同在生死。從無始來。彼固各各皆爲我之父母兄弟妻妾子女。我亦各各皆爲彼之父母兄弟妻妾子女。彼固各各或于人中或于異類皆被我殺。我亦各各或于人中或于異類皆被彼殺。爲親爲怨。相生相殺。靜言思之。愧不欲生。急急改圖。尙悔其遲。況肯蹈常襲故。仍執迷情。以爲天生異類。原爲供人食料乎。然我尙具足惑業。固無由出于輪迴之外。萬一彼罪已滅。復生人道。善根發生。聞法修行。斷惑證真。得成佛道。我若墮落。尙當望彼垂慈救援。以期離苦得樂。親證佛性。豈可恃一時之強力。俾長劫以無救乎哉。古有高僧。行步不跨蟲蟻。人問其故。答曰。彼此同在生死中。或彼先成佛道。尙望其垂慈度我。何敢輕慢乎。是知佛視衆生皆是佛。衆生視佛皆是衆生。佛視我衆生皆是佛。故多方化導。

之種種折攝之。縱令絕無信心。亦不棄捨。曲垂方便。令種善根。待其因緣時至。自然發生增長。依教奉行耳。衆生視佛皆是衆生。故聞佛之言。不生感激。反以己之邪知謬見。多方毀謗。甚至拆毀塔寺。焚燒經典。固結魔黨。破壞清修。迨至正智稍開。則便愧悔無及。由茲遂復歸命如來。興崇佛法者。古今來比比皆是。須知父母于逆子。尙生棄捨之心。佛于逆惡不信之流。愈生憐愍。何以故。愍其惑業深重。失本心故。以雖則現時背逆于佛。而卽心本具之天真佛性。仍復絲毫不失。如焦模中金像。敝衣中寶珠。蒙塵之秦鏡。在璞之荆璧。愚人但見其外相。而不知其內容。佛則遺外相而論內容。故無一衆生或生棄捨也。然佛尙不輕衆生。衆生何可輕衆生乎。故凡一切水陸衆生。必令各各得所。常得飛走游泳于自所行境。以各樂天真。各盡天年。則此書所說之種種善報。當可具得矣。人既如是。物尙不欲令其失所。何況於人。則互相親愛。互相扶持。自然俗美人和。必致風調雨順。其有不物阜民康。時清國泰者乎。又祈凡我同人。切勿自輕。當思我與如來。同一心性。彼何以惑業淨盡。福慧圓滿。安住寂

光常享法樂乎。我何以起貪瞋癡。造殺盜淫。輪迴六道。莫由出離乎。心性是一。苦樂天淵。若猶以佛性功德。獨讓如來親得受用者。尙得名爲大丈夫哉。

民國十一年壬戌冬釋印光謹撰

江慎修先生愛物戕物類編題詞

孟子有言。禍福無不自己求之者。比年以來。外則歐戰之慘。內則國亂之頻。皆謂我生不辰。豈知禍福之來。匪求弗獲。惟現世造因。現世受報。則衆信翕然。夙世造因而今世受報。或今世造因而來世受報。則唯佛證知。而凡情所惑。願雲禪師偈云。千百年來。盤裏羹。冤深如海。恨難平。欲知世上刀兵劫。但聽屠門夜半聲。曾子曰。戒之戒之。出乎爾者。反乎爾者也。儒釋所言。若合一轍。惟儒者約說。佛則詳言。儒者但言現世。佛則通知三世。遠及多生。十方三世之說。固非佛不能言。所謂雖聖人有所不知者也。江慎修先生。以閒世挺生之大儒。而通釋氏因果之奧義。其徵引愛物戕物之報。多取現世者。蓋欲令未達佛理者。亦能翕然起信。其救世苦衷可知也。世亂亟矣。

殺業尤繁。凡屬含靈。俱當懺悔。此編之出。非其時乎。仁人君子。幸廣傳之。

雲陽程德全拜題

戴東原作江慎修先生事略狀實。乾隆二十七年。江先生以三月卒。東原狀成於五月。後江鄭堂作國朝漢學師承記。全取其文增損數語而已。此譜藏于家。事蹟頗詳。三十四歲補廩膳生。師承記作二十四歲。蓋筆畫誤也。東原先生年譜。爲段茂堂所編。於講學宗旨。著書先後。詳盡無遺。後又附記平生言論。多可喜者。使慎修先生年譜出東原之手。必更有可觀矣。癸亥二月鄭孝胥識。

放生殺生現報錄戒殺放生各文合編序

凡有血氣者。必有知覺。既有知覺。則必貪生怕死。趨吉避凶。鳥獸昆蟲蚤虱。莫不皆然。若忽爾捕而殺之。則其力雖不能敵。無可如何。其心之讎恨。殆不能以語言文字形容。若將欲殺。而或有贖之。令生者。則其心之感。亦復難以形容。縱彼現時。雖無報恩報怨之力。然善惡之緣。既結。或于現生。或于未來。必有不期然而然之報應。卽彼等不能卽報。而常行放生。常行殺生。天地鬼神。常爲鑑臨。必當降以禍福。且勿忽其弱而欺之。世人不知因果。以殺生食肉爲正理。爲應該。而不知刀兵匪寇。水旱疾疫之慘災。多多皆由殺生食肉而得。若果慈念眞純。雖同在此時劫。而其受報。自能各別。昔一小兒。其父攜來飯依。余問汝歡喜吃肉否。曰歡喜。余以彼指置彼口中。曰此肉甚好。試吃吃看。彼極力拒之。曰吃不來。吃不來。余曰汝自己之肉。則吃不來。別種生靈之肉。何得又吃得來乎。汝現在吃得來。他將來亦吃得來。汝校比自吃其肉。則更加苦毒萬倍也。是以聖人以忠恕教人。施諸己而不願。亦勿施于人。無如世人弱肉強食。習以爲常。殆不知殺生食肉爲罪惡。爲非禮。見不食肉者。則誚之爲迂腐。爲迷信。設使其人忽爾變爲鳥獸魚蝦。被人捕而欲殺。彼心中謂爲正理。爲應

該而歡喜充彼口腹耶。抑謂爲罪惡爲非禮。而懷恨莫釋耶。設或其時有戒殺護生。不食肉之人。勸其勿殺。將欲買而放之。其心中爲謂其爲迂腐爲迷信耶。抑感其救命之德。而畢世莫忘耶。使其人設身處地。反復思之。余恐寧食己肉。不肯食衆生之肉矣。嗚呼。人皆可以爲堯舜。人皆可以作佛。何背覺合塵。一至此極。江慎修先生。乃前清之隱君子。學問淵博。品行純正。雖未研窮佛理。然能深信因果。故于殺生放生。報應之見聞者。錄之成集。其族裔孫易園。于民十一。爲之排印。光爲作序。此不多述。現今殺劫瀰漫。加以水旱種種災禍。民不聊生。莫可救藥。同人欲從根本上解決。擬廣印現報錄。以爲挽回劫運之據。又以現報錄于理致尙欠發揮。因將光前附萬善先資後之戒殺放生各文。與之合編。于以見儒佛之心法不二。所汲汲于救物者。實汲汲于救人也。此之挽救。係從根本上致力。切勿以緩急輕重失當爲誚。蓮池慈雲曾端甫諸文。皆精金百鍊。美玉無瑕。閱之令人殘忍之心。砉然消滅。慈悲之念。油然而發生。唯光南潯一疏。難免金鎗非類之誚。然竭我愚誠。勉盡天職。毀譽所不計也。

民國十八年己巳正月釋印光撰

放生殺生現報錄目次

放生善報

第一章 放生救物延壽

福星擁護	陳元植	一
廣生益算	楊序	一
善因續命	俞一郎	二
體物全愛	張從善	二
積善報親	林承美	二
去殘免天	蕭震	三
護生福報	宋仁宗	三
救蟻延年	一沙彌	三
放魚增壽	屈師	四

第二章 放生救物愈疾

神雀還救	趙履乾	四
水族報恩	顧偉東	四
善願達天	江端木	五
放生免疫	沈文寶	五
錢盡病瘳	葉洪五	六
醫王賜藥	王渙	六

放生殺生現報錄 目次

一 一 二 二 三 三 三 四 四 五 五 六 六

第三章 放生救物免患

龍救婢危	程氏女傭	六
魚療丹毒	李景文	七
願發瘋除	直隸辛某	七
萬生保友	項天瑞	七
賢內致福	周千秋	八
憐龜卻病	黃叔達	八

放龜脫險	毛寶	九
活蠅免刑	酒工王五	九
螺護法寶	王待制	九
救牛滅火	正陽門老者	一〇
赤蛇譴盜	方太夫人	一〇
浦電報德	徽商	一一
湖魚解難	饒商	一一
鱘補破船	阮起鵬	一二
烏伸冤獄	宜興陸善人	一二
虎避仁人	常熟糧差	一二
雞衛恩主	衢州里胥	一三

放生殺生現報錄 目次

得免橫死	嘉善孔某	一三
永無坎珂	吳文英	一四
義犬證盜	平望鎮商	一四
悍僕就刑	吳江沈宦	一五
愛子流血	柳沂	一五
神物助戰	應元乘	一六
龜脫水厄	劉彥回	一六
犬救火災	烏鎮人	一六
第四章 放生救物得子		
放魚子貴	張奎	一七
釋鳥族繁	項德興	一八
嗣絕復續	汪君弼	一八
存女育兒	胡應全	一八
種多子因	倪玉樹	一九
活百命瘥	范家兒	一九
無錢植福	裘兆麟	二〇
第五章 放生救物得智		
得智慧男	江州都巡檢	二〇
脫癡騷相	勸善富家兒	二一
蟻助文思	胡伯安	二一

殺生惡報

第一章 屠宰

解網成道	六祖慧能	二二
跌傷佛子	無畏三藏	二三
感動大士	永明壽禪師	二三
著手回春	祥峯和尚	二三
救蛇證道	孫真人	二三
折箭登仙	許真君	二四
放刀成塵	張屠戶	二四
殺牛橫死		
屠女遭災	劉肇夫婦	二五
救殺喪命	張七娘	二五
仆地成牛	來安	二五
牛角破腹	華回子	二六
牛冤攝魂	陸屠	二六
人作牛鳴	朱氏子	二六
肉成火種	太和屠者	二六
業債生還	蘇州程某	二六
貪萌浪死	張屠	二七
虛願生瘥	徐販	二七
	杭鄭姓	二八

割舌養啞	阮倪	二八
殺業現消	王德璘	二八
貪饒送死	戴典史	二九
兇悍天刑	太倉屠戶	二九
暴怒戕子	西蜀李紹	三〇
沸水洞胸	漢口屠者	三〇
啖糞哀叫	僕人陳祥	三〇
檐木斷首	屠戶張某	三一
膿瘡療饑	杜章	三一
垂盡爲牛	張宜所	三一
罪重成豬	餘姚豬屠	三一
自作自受	顏復初	三二
可驚可憐	陸寶	三三
嗜肥斷指	吳竹軒子	三三
殘忍破喉	休寧人	三三
包鼈現報	杭望仙橋人	三四
戕物惡死	長洲韓全	三四
惡業生妖	湖州王二	三四
逸牛尋仇	瀘州張四	三五

第二章 食牛戒牛

放生殺生現報錄 目次

冥刑腫腿	茅氏子	三五
悔罪免錮	衡州道人	三五
誓戒鬼哀	秋浦優人	三六
廣勸延壽	蘇推官某	三六

第二章 暴殄		
殘暴食報	張易之昆仲	三七
嗜肉變豬	南京某舉人	三七
母子尋仇	楊舜臣	三七
兒雞共熟	何澤	三八
噴龜沈海	王屠父子	三八
烹鼈戕生	張其光	三八

第四章 殘害		
射鹿中子	吳唐	三九
紙面殺孫	程獵戶	三九
豬化爲虎	榮園丁	三九
貓魂作祟	沈蘭官	四〇
身無完膚	錢漢冲子	四〇
舌患潰瘡	王愈	四一
燃爆驚死	王蓮	四一
戕雛子苦	周昂	四一

放生殺生現報錄 目次

害鴈遭杖	錢家軍	四一
探難被逐	一衛軍	四二
張口蛇入	薛兒	四二
臨終蛙祟	田夫	四二
火逼慘報	張霖	四二
肉腐惡死	岳州村民	四三
一夜腸斷	烹龜鄭大	四三
衆死董毒	殺蛇軍人	四三
身埋火窟	某富翁	四三
瘡走赤蛇	金秀之	四四
怨對難逃	顧錫疇	四四
腫脹有自	韓阿留	四五
風火燒身	餘姚令子	四五
埋蠶絕命	胡二夫婦	四六
雷火自召	曹君升	四六
尾閭都塞	朱照	四六
肉蟬業債	李乳母	四六
坎蟻復仇	桓謙	四七
龍呼驚死	徐巡按	四七
雞骨戕生	聞巡檢	四七

附錄

燃料造業	何自明	四七
兇暴連亡	麻城劉姓	四八
江慎修先生年譜		
江善人傳		
現報錄與慎修公年譜江善人傳合刊記		

我。肉。衆。生。肉。名。殊。體。不。殊。
 原。同。一。種。性。祇。是。別。形。軀。
 苦。惱。從。他。受。肥。甘。爲。我。須。
 莫。教。閻。老。斷。自。揣。應。何。如。

前清大儒江慎修先生著

放生殺生現報錄

◎放生善報

第一章 放生救物延壽

福星擁護……陳元植

宋里老陳元植家稍裕好行陰。隲禽蟲之微悉蒙惠。每將食百鳥飛鳴而前。凡十餘年。一夕夢緋衣人長三尺餘。謂曰。爾陰德盛。一切生命皆活之。爾壽本促。以此延年。至九十九日。獨坐袖中一物。投地化三尺緋衣人。拱立曰。君壽不踰四十。爲有陰功。上帝命我護爾。今已百歲。辭歸天上。瞥不見元植。語子孫。令選地樹墓。逾月無疾而卒。

廣生益算……楊序

宣和間富商楊序年二十八。夢神告曰。子逾旬當死。能救活萬命。可免。序曰。大期已迫。物命至萬未易滿數。神曰。藏經云。魚卵不經鹽漬者。三年尙可活。子盍圖之。序乃

大書神語於通衢壁間。人皆知戒。且見人殺魚。卽取卵投之江中。月餘復夢神曰。億萬之數已滿。壽算延矣。後壽至九十而終。

善因續命……俞一郎

荆南俞一郎。專好放生。及塑佛病死。見道上禽獸羣迎之。又僧千餘引至一殿。王者命二判官檢簿中善業。判官云。此人。有贖救物命之功。命增壽二紀。勅青衣引歸復生。

體物全愛……張從善

張從善年十五。嘗持活魚刺指痛甚。自念我傷一指。痛楚如是。羣魚剔腮剖腹。斷尾刮鱗。其痛如何。特不能言耳。遂盡放之溪中。自此不復傷一物。享年九十有八。

積善報親……林承美

福建林承美。少孤。母守節撫之。承美長。思親涕泣。苦於報德。無從。一禪師云。孝子思親。痛泣無益。惟勤放生。戒殺。篤行陰德。庶可報親。子在親。還在。子亡。親自休。作善親。

有。益。作。惡。親。有。憂。承。美。省。悟。立。誓。戒。殺。廣。勸。放。生。勤。行。善。事。壽。九。十。有。六。子。孫。科。第。不。絕。

去殘免夭……蕭震

平陽蕭震。少夢神人。告以年止十八。至十七。父帥蜀。不欲從。父強之行。至蜀。蜀中帥蒞任。例進玉箸羹。取乳牯。烙鐵鉗乳。乳出凝鉗上。以爲饌。震偶至庖所。牛向之叩頭。詰知其故。急白。父索食。脾判免。此味。震又請增永字於上。已而復夢神曰。汝有陰隲。不但免夭。可望期頤。果壽至九十餘。

護生福報……宋仁宗

宋仁宗在位多仁。政宮中凡便溺時。必顧蟲。蟻後在位久。

救蟻延年……一沙彌

昔有高僧入定。見一沙彌。至七日當死。因遣之歸省父母。諭以八日再來。沙彌歸。至八日復來。僧異之。復入定觀之。見沙彌於歸路中。見一蟻穴。流水將入。急脫袈裟。聚